

嗣恩公赞

为人能自树立燕翼貽谋善继善述为碧溪创业之始祖

承徙公赞

缅维 彰公才能出众拔萃不群秀拥林干连枝满庭昔有翠花起砌万里喜来相迎在今去世已久遗范犹自长存享年既获寿考声闻亦似兰斯馨气则古志则大言则从容追维往昔恍与相亲有枝荪德协南山好起龙门是真吾彰公之情形

毓公继娶王氏赞

赋性慈仁持身勤俭不幸 毓公早逝尹公仅三月孩提而青年守节创业兴家积德累功佑启后人洵善承夫志者矣

志伊公配陈氏赞

善事舅姑勤俭持家尹公早逝遗子六人妣义方是训有大丈夫风人咸称为女中君子王氏祖妣之徽音者矣且乐善不倦诚克嗣 以纺织餘资独建石桥於梓里之双江口利济行人桥名

坤贞采登邑乘

崇渊公赞

为人处事精详 把卷心喜 身通六艺 乐行方便

崇胜公赞

为人浑然率真 动喜勤劳 去伪存朴 静归雍睦

胜公之配何氏赞

勤俭兼庄敬幽闻守贞静一片慈母心启口迷懿训

崇清公赞

为人静直公平 处事精明 仁慈孝友 好古闲情

清公之配曾氏赞

妣之秉性孝敬慈仁四德无忝钟郝等伦

崇礼公赞

天姿卓犖秉性谦中宽以处世严以持躬惜不享年抱璞而终

礼公之配李氏赞

妣之德性恭俭慈仁妣之志操月皎霜清礼公早世抚孤恩勤孝奉姑嫜匪盥躬亲宜乎食报孙子满庭得邀吴眷克享遐龄

崇翼公事略

为人聪颖异常县府试屡占前列清嘉庆六年辛酉邑宰赵嘉程取准案首因母故丁忧初不坠志至乙丑入庠第一拔府学真可为后裔有志竟成者法

尚士公赞

为人卓犖不群友恭无忤四十以后更警惕自持亦可谓晚年进德者矣

尚衡公赞

为人忧勤远虑喜把经究垂裕后昆不愧典型

尚猷公赞

明理达务雅性内融直以接物谨以飭躬

尚德公赞

卓哉先生胸怀古朴雅度雍容高风沕穆品若退之概方茂叔谦谦君子既富方谷好学不厌砥
砺尤汲博雅阅深实至名立宏此远谟垂裕世及宜其遐福子孙缉缉

尚荣公赞

事理通达心气和平持家勤俭不辞艰辛

尚谋公赞

性浑厚寓精明雅好华屋书昼怡情尝愿子贤孙杰浑忘却浮利浮名

谋公之配甘氏赞

内政操劳华饰不喜淑慎温恭女中君子

尚时公赞

孝友为性俭约是躬精明浑厚有长者风箕裘克绍广业惟勤垂裕后昆咸正且公

时公之配黎氏赞

幽泪贞静德比孟姜宜尔子孙长发其祥

尚廉公赞

黜华崇实沈静寡言笃於孝友淡情轩冕遇横逆而不校群推为厚德长者焉

廉公之配吴氏赞

妣性退让不校短长善和妯娌孝奉高堂雍睦门内遗范流芳

尚典公赞

淡以明志泰而不骄心通曲艺技擅琢雕挚情友爱寄意清高

高抡公赞

为人谨厚谦抑性纯孝父病侍药汤未尝废离父爱之笃谓后可为吾族光不幸早故惜哉

高晋公赞

为人警惕俭约创业垂统施药济贫排难解纷大皆颂仰不休矣

晋公之配熊氏赞

相夫创业好善乐施曾输纺织之资建七星岭石桥一乘

高云公赞

心忠厚性浑穆习勤劳崇俭朴虽艺事之多能无师承而自淑仍不琢而不雕全乎本来面目

云公之配陶氏赞

敬而和温而惠崇俭习勤维持而调剂妇道母仪德容言工无少替闾内清芬谁仿佛钟郝法
模同揆而异世

韶公之配刘氏赞

操比柏舟青年守节断杼教儿慈仁俭音

高光公赞

无忤无争行敦古处勤俭於家为后昆矩

高朗公赞

諳諫老成明達事理忠厚可風谷詒孫子

高爵公贊

雅度溫溫小心翼翼既恭且讓惟忠與直璞玉渾金黜華崇實彼君子兮其儀不忒德惟厚積有光斯景克家創垂世業彪炳慮遠思深終譽以永克正典型允宜后景

爵公之配余氏贊

坤厚載福秉茲懿德克媿郝鍾其儀不忒勤儉可風端庄足式闡范昭垂巾幗之則

高翔公贊

軒昂氣宇雅淡情怀持盈保泰和眾丰財

翔公之配陳氏贊

德全淑慎性喜儉勤宜爾孫子壽享高齡

高銘公贊

簡朴衣冠行敦古道福享清和在抱

铭公继娶曾氏赞

孝顺而慈温柔且敬克俭克勤操持内政

高茂公赞

公貌丰而肥性忠直绰有慷慨风遇公事言侃侃排纷解难仗义急公族邻咸赖之且善书法索之者众课子弟读严甚其他家居梗概大率可为后世则

茂公之配刘氏赞

孝敬寓慈仁躬劳靡刻逸贤德媲孟姜第少中壘述

高渠公赞

孝友成性乐叙天伦精详虑事抱朴守真

渠公之配熊氏赞

容端肃性和柔习勤崇俭惠问芳猷不愧女中师范洵是钟郝一流

杨公高彦像赞

知雄守雌大白若辱貌亦觥觥激义豸触所夷匪患造次缘督古乡先生緬矣遗躅

世侄汤 昆拜题

杨高彦先生夫人熊大孺人像赞

蒿簪菜 焕椎髻鸿妻或负且戴雍雍冀畦婉婉硕人实与之齐康宁寿考發白齿战信其祉之
未艾而德之足以型彼中闺也於铄噫嘻

世侄汤昆拜题

高泮公赞

栽培心地涵养性天和邻睦族无党无偏有祈医方弗受一钱相穴瘞母吉卜牛眠晚年好静
万虑番捐仁厚长者谁不日然

泮公继娶张氏赞

妣之赋性淑慎贤良坐立以正动直以方勤劳内政朝晨不遑断机勸学懿训周庶乎克当

高柏公赞

性天纯笃心地慈仁待人以厚作事惟忠精岐黄不以用世而方便乐行善堪輿不喜主葬而

指黠常殷已行其素人感其情略举其概可类生平

柏公继娶谭氏赞

性勤俭喜诗书严荻教乐义举以纺织馀费特立惜字费貽此慈谋恩深垂裕

高亮公赞

亦俭勤亦朴实综覈諳谏德音秩秩

高韬公赞

躬行笃实秉性廉虚好学不倦纂录诸书既明医理尤善堪舆

韬公之配陈氏赞

淑顺温柔容仪朴质一片婆心遗徽堪述

叔父高廷公赞

貌癯而肃晚睨厥光神乎角觚识龙宫方为里宰为宗族纲同尘抱璞与时行藏李元礼劲松

謏謏公殆与之相颡颥今虽遗躅缅矣而仪其丰采犹凜然若出匣之千将
侄贤标拜题

贤佑公配熊氏赞

妇道无亏福寿康强子孙蛰蛰五代同堂（捐资建七星岭之阳西冲口坤德桥一乘）

贤徽公赞

温然而恭本来面相恻必依真詩书勤读

贤襄公配张氏赞

少君肄劳敬姜戒逸以女中师为君子匹慈爱温和端庄静一四朝寿母孙曾林立

贤輔公赞

貌魁梧性刚直好解纷喜周恤党扶弱以抑强每怜贫而济急駕外侮则折衡有才齐室家则躬行以德析财懍田氏之荆赠友若忠宣之麦虽日姿性过人亦由诗书陶淑下笔千言手披万轴曾战艺於文场屡前茅而特出惜泮沼之未游慨年华之既促追溯遗型应登实录

辅公继娶荫氏赞

事舅姑以孝抚孤儿而慈柔嘉维则淑慎尔仪敬姜之劳逸是懍钟郝之礼法自持緬彼懿范
足以长垂

贤孚公赞

学尽人伦性天涵养罢读持家儒雅气象

贤政公赞

於铄吾祖是式南邦解纷排难造福梓桑襟怀磊落威仪肃庄高风亮节遗泽孔长

孙辉緘敬题

贤效公赞

公笃孝友并享大年克勤克俭如佛如仙家声丕振裕后光前积善馀庆瓜瓞绵绵

侄孙辉緘敬题

贤敷公赞

公貌温蔼即之如春志甘澹泊不慕华荣亦夷亦惠无忤无争医理深湛遐迩知名

侄孙辉緘敬题

杨君绍谦先生像赞

貌癯矣中乐以易智圆矣行洁以芳手书数卷金匱攸臧饮上池水见垣一方日丈夫贵济物
耳我且扳俞跗友大仓而磊磊而觥觥年六十矣爵然如朝暾叔浴於樽桑医何人哉庶几汉
之苏子训与幽棲避世之韩康

同里世愚弟汤 昆拜题

杨绍谦先生夫人张孺人像赞

何俭以壹簪蒿带萝何严以翼月杵风梭六十委佩惠问不磨嘻潜德必友久矣宜其竺生今
子杰然磊落而英多

夫世弟汤 昆拜题

继潜之配刘氏事略

氏年二十归甫一载夫歿誓以身殉泣血废餐喻两月歿采登邑乘

继沂之配刘氏事略

于归甫七月夫故矢志守贞十四载卒以忧夫歿呜呼可谓烈矣

杨子钦先生像赞

賤睽其光干将弗彗躔躔康庄骋日抱冲玉容渊泌遗躅缅矣丹青攸识

汤昆拜题

杨子钦先生夫人陶太君像赞

儿肃而恭心渊如烛蹈礼若绳忖法若玉彬彬乎彤管之郭棣棣乎缙岍之鹄往軫云道清芬
逾祿噫天眷有德久矣宜其斋福上堂长优游佩此鹿蜀

汤昆拜题

贤都公继配彭氏像赞

德音秩秩善念尤然栽培心上地惟望子孙贤老衣舞彩寻常事还种蟠桃满阶层春秋佳日
花好月圆信其祉之未艾而美意延年